

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/77, 28.10.2019թ.

Բողոք բերող անձ՝ «Խաչպար» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ ՆՏԱԴ-ԳՀԱՊՁԲ-20-9/8» գնանշման
հարցում

Գնման առարկան՝ Ախտահանիչ նյութերի ձեռքբերում

Բողոքի պահանջը՝ Պարտավորեցնել՝

1. Ընդունելու որոշում՝ «ՀՀ ՊՆ ՆՏԱԴ-ԳՀԱՊՁԲ-20-9/8» ծածկագրով գնանշման հարցման ընթացակարգը չկայացած հայտարարելու մասին՝ Հրավերի թիվ 10-րդ, 11-րդ, 12-րդ, 13-րդ և 15-րդ չափարաժիներին մասերով:
2. Նշված չափարաժիներով նախատեսված ախտահանիչ միջոցների ձեռք բերման նպատակով ՀՀ ՊՆ-ի կողմից նոր ընթացակարգ նախաձեռնելու և գնանշման նոր հարցում հայտարարելու դեպքում ՀՀ ՊՆ-ի տվյալ հրավերի գնանշման հանձնաժողովին արգելել ընդունելու հրավերը հաստատող որոշում, եթե հրավերի «ՏԵԽՆԻԿԱԿԱՆ ԲՆՈՒԹԱԳԻԲ» Հավելված թիվ 1-ի «տեխնիկական հատկանիշներ»-ը սյունակներում ներառվելիք պահանջները կազմված կլինեն ՀՀ <<Գնումների մասին>> Օրենքի 6-րդ հոդվածի 4-րդ մասի 2-րդ կետով և 13-րդ հոդվածի 2-րդ մասի 1-ին, 2-րդ և 4-րդ կետերով, ինչպես նաև 3-րդ մասով սահմանված պահանջների խախտումներով:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ,ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ Գնումների հետ կապված բողոքներ քննող անձին

ԲՈՂՈՔ

- 1) Բողոք բերող անձ՝ «Խաչպար» ՍՊԸ
Հասցե՝ ք. Երևան, Բաֆֆու 33/7
- 2) Պատվիրատուի անվանումը՝ ՀՀ ՊՆ
Հասցե՝ ք. Երևան, Բագրևանդի 5

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹԱԿԱՆԱԿԱՆ ԿԵՆՏՐՈՆ
ՎՃԱՐՆԱԿ
ՍՊՈՒՆԻՆԻՍՏՆԵՐԻ ԿՐԹԱԿԱՆԱԿԱՆ ԿԵՆՏՐՈՆ
ՎՃԱՐՆԱԿ N 15-48403-19
5 28 10 19

- 3) Գնանշման հարցման ծածկագիրը՝ « ՀՀ ՊՆ ՆՏԱԴ-ԳՀԱՊՁԲ-20-9/8»
և առարկան՝ «Ախտահանիչ նյութերի ձեռք բերում»

- 4) Վեճի առարկան և բողոք ներկայացնող անձի պահանջը՝

Տեղեկացնում ենք Ձեզ, որ ՀՀ ՊՆ-ն «Ախտահանիչ նյութերի» ձեռքբերման նպատակով հայտարարություն է հրապարակել «ՀՀ ՊՆ ՆՏԱԴ-ԳՀԱՊՁԲ-20-9/8» ծածկագրով գնանշման հարցման մասին, որը հաստատվել է գնահատող հանձնաժողովի 2019 թ. հոկտեմբերի 23-ի թիվ 1 որոշմամբ՝ (կից փաստաթուղթ թիվ 1), որի հրավերի թվով 16 չափաբաժիններով պահանջվում են տարբեր տեսակի ախտահանիչ նյութեր (կից փաստաթուղթ թիվ 2):

Հրավերի թիվ 2-րդ և 10-րդ չափաբաժինների մասերով «անվանումը» սյունակներում գրված են միևնույն անվանումները՝ «Դիքլորիգոցիանաթթվի նատրիումական աղ պարունակող հաբեր» (կից փաստաթուղթ թիվ 2, արված նշումները, և կից փաստաթուղթ թիվ 3, էջ 1, արված նշումները), սակայն «ՏԵՆՆԻԿԱԿԱՆ ԲՆՈՒԹԱԳԻՐ» Հավելված թիվ 1-ի « տեխնիկական հատկանիշներ»-ը սյունակներում (կից փաստաթուղթ թիվ 3, էջ 1, արված նշումները) թիվ 10-րդ չափաբաժնի մասով առկա է «...անջատվող ակտիվ քլորի քանակը ոչ պակաս քան 1,75 գրամ...» պահանջը, որը

ա) խտրական է, համապատասխանում է «Ջոնսոն և Ջոնսոն» ֆիրմայի արտադրության «Պրեսեպտ» բրենդային անվանումով հաբերի վերին սահմանին, որով սահմանափակում է ՀՀ տարածքում գործող բոլոր բուժկանխարգելիչ հիմնարկներում (անկախ նրանց կազմակերպատիրավական ձևից և գերատեսչական պատկանելությունից) կիրառման համար անհրաժեշտ ՀՀ ԱՆ 10.09.2015թ. թիվ 48-Ն հրամանով (կից փաստաթուղթ թիվ 4, էջեր՝ 1 և 2, արված նշումները) նախատեսված հայերեն մեթոդական հրահանգներ ունեցող այլ արտադրողների արտադրանքներով (կից փաստաթուղթ թիվ 5, էջեր՝ 1 - 4, արված նշումները) հնարավոր մասնակիցների, այդ թվում՝ նաև «Խաչպար» ՍՊԸ-ի մասնակցությունը թիվ 10-րդ չափաբաժնի մրցույթին, խախտելով ՀՀ «Գնումների մասին» Օրենքի 6-րդ հոդվածի 4-րդ մասի 2-րդ կետով սահմանված պահանջները:

բ) ամբողջական չէ, չի ներառում «Ջոնսոն և Ջոնսոն» ֆիրմայի արտադրության «Պրեսեպտ» բրենդային անվանումով հաբերի ստորին սահմանի տվյալները, դրանով իսկ հանգեցնելով գնումների գործընթացում մրցակցության համար չհիմնավորված խոչընդոտների առաջացմանը (կից փաստաթուղթ թիվ 6, էջեր 1-4, արված նշումները), ինչպես նաև հնարավոր մասնակիցների, այդ թվում՝ «նաև Խաչպար» ՍՊԸ-ի, համար հավասար պայմաններ չի ապահովում, խախտելով ՀՀ «Գնումների մասին» Օրենքի 13-րդ հոդվածի 2-րդ մասի 1-ին, 2-րդ և 4-րդ կետերով, ինչպես նաև 3-րդ մասով սահմանված պահանջները:

Հրավերի թիվ 11-րդ չափաբաժնի մասով «ՏԵՆՆԻԿԱԿԱՆ ԲՆՈՒԹԱԳԻՐ» Հավելված թիվ 1-ի «տեխնիկական հատկանիշներ»-ը սյունակի 3-րդ պարբերությունում առկա «... Պետք է երաշխավորված լինի Storz, Olympus, Fujinon, Pentax բժշկական սարքավորումներ արտադրող ընկերությունների կողմից ըստ դրանց մեթոդական ցուցումների՝ ախտահանիչ նյութի պատճառով սարքավորման խափանումից խուսափելու համար:» (կից փաստաթուղթ թիվ 3,

էջ 1, արված նշումները) պահանջը խտրական է, չի համապատասխանում ախտահանիչ միջոցների ՀՀ ԱՆ 10.09.2015թ. թիվ 48-Ն հրամանի սահմանումներին (կից փաստաթուղթ թիվ 4, էջեր 1 և 2, արված նշումները), սահմանափակում է հնարավոր մասնակիցների, այդ թվում նաև «Խաչապար» ՍՊԸ-ի մասնակցությունը թիվ 11-րդ չափաբաժնի մրցույթին, հանգեցնում է գնումների գործընթացում մրցակցության համար չհիմնավորված խոչընդոտների առաջացմանը, ինչպես նաև հնարավոր մասնակիցների, այդ թվում «նաև Խաչապար» ՍՊԸ-ի, համար հավասար պայմաններ չի ապահովում, խախտելով ՀՀ «Գնումների մասին» Օրենքի 6-րդ հոդվածի 4-րդ մասի 2-րդ կետով և 13-րդ հոդվածի 2-րդ մասի 1-ին, 2-րդ և 4-րդ կետերով, ինչպես նաև 3-րդ մասով սահմանված պահանջները:

Հրավերի թիվ 12-րդ և 13-րդ չափաբաժինների մասերով «ՏԵՆՆԻԿԱԿԱՆ ԲՆՈՒԹԱԳԻՐ» Հավելված թիվ 1-ի «տեխնիկական հատկանիշներ»-ը պունակներում առկա «... Պետք է երաշխավորված լինի հոսպիտալում առկա Endocleans սարքավորման արտադրողի կողմից՝ ախտահանիչ նյութի պատճառով սարքավորման խափանումից խոսափելու համար: ...» պահանջը խտրական է, չի համապատասխանում ախտահանիչ միջոցների ՀՀ ԱՆ 10.09.2015թ. թիվ 48-Ն հրամանի սահմանումներին (կից փաստաթուղթ թիվ 4, էջեր 1 և 2, արված նշումները), սահմանափակում է հնարավոր մասնակիցների, այդ թվում նաև «Խաչապար» ՍՊԸ-ի մասնակցությունը թիվ 11-րդ չափաբաժնի մրցույթին, հանգեցնում է գնումների գործընթացում մրցակցության համար չհիմնավորված խոչընդոտների առաջացմանը, ինչպես նաև հնարավոր մասնակիցների, այդ թվում «նաև Խաչապար» ՍՊԸ-ի, համար հավասար պայմաններ չի ապահովում, խախտելով ՀՀ «Գնումների մասին» Օրենքի 6-րդ հոդվածի 4-րդ մասի 2-րդ կետով և 13-րդ հոդվածի 2-րդ մասի 1-ին, 2-րդ և 4-րդ կետերով, ինչպես նաև 3-րդ մասով սահմանված պահանջները:

Հրավերի թիվ 15-րդ չափաբաժնի մասով «ՏԵՆՆԻԿԱԿԱՆ ԲՆՈՒԹԱԳԻՐ» Հավելված թիվ 1-ի «տեխնիկական հատկանիշներ»-ը պունակի 2-րդ պարբերությունում առկա «... պարունակում է պրոպանոլ-1 և պրոպանոլ-2 տեսակների սպիրտ՝ 75%-ից ոչ պակաս, ...» պահանջը խտրական է, համապատասխանում է «Ջոնսոն և Ջոնսոն» ֆիրմայի արտադրության նախկինում «Դոդեսետ 1000 մլ», իսկ այժմ «Օկտենիդերմ 1000 մլ» քրեմային անվանումով ախտահանիչ միջոցին, որոնց մշտապես առաջարկել և մշտապես հաղթող է ճանաչվել միևնույն «Ինտերմեդ Գրուպ» ՍՊԸ-ն (կից փաստաթուղթ թիվ 7, էջեր 1-3, արված նշումները): Այդ պահանջը սահմանափակում է ՀՀ տարածքում գործող բոլոր բուժկանխարգելիչ հիմնարկներում (անկախ նրանց կազմակերպչաիրավական ձևից և գերատեսչական պատկանելիությունից) կիրառման համար անհրաժեշտ՝ ՀՀ ԱՆ 10.09.2015թ. թիվ 48-Ն հրամանով (կից փաստաթուղթ թիվ 4, էջեր 1 և 2, արված նշումները) նախատեսված հայերեն մեթոդական հրահանգներ ունեցող այլ արտադրողների արտադրանքներով (կից փաստաթուղթ թիվ 8, էջեր 1 - 3, արված նշումները) հնարավոր մասնակիցների, այդ թվում նաև «Խաչապար» ՍՊԸ-ի մասնակցությունը թիվ 15-րդ չափաբաժնի մրցույթին, խախտելով ՀՀ «Գնումների մասին» Օրենքի 6-րդ հոդվածի 4-րդ մասի 2-րդ կետով և 13-րդ հոդվածի 2-րդ մասի 1-ին, 2-րդ և 4-րդ կետերով, ինչպես նաև 3-րդ մասով սահմանված պահանջները:

«Խաչապար» ՍՊԸ-ն՝ ղեկավարվելով ՀՀ «Գնումների մասին» Օրենքի թիվ 46 հոդվածի 1-ին մասով և 3-րդ մասի 1-ին կետով, բողոքարկում է Պատվիրատուի՝ ՀՀ ՊՆ-ի «ՀՀ ՊՆ ՆՏԱԴ-ԳՀԱՊՁԲ-20-9/8» ծածկագրով գնանշման հարցման գնահատող հանձնաժողովի 2019թ. հոկտեմբերի 23-ի թիվ 1 որոշմամբ հաստատված՝ «Ախտահանիչ նյութերի» ձեռքբերման նպատակով հայտարարված «ՀՀ ՊՆ ՆՏԱԴ-ԳՀԱՊՁԲ-20-9/8» ծածկագրով գնանշման հարցման Հրավերի թիվ 10-րդ, 11-րդ, 12-րդ, 13-րդ և 15-րդ չափաբաժինների մասերով ընթացակարգը և դիմելով ՀՀ գնումների հետ կապված բողոքներ քննող անձին, խնդրում է՝ ղեկավարվելով «Գնումների մասին» ՀՀ Օրենքի թիվ 50 հոդվածի 7-րդ մասով՝ պարտավորեցնելու ՀՀ ՊՆ-ի «ՀՀ ՊՆ ՆՏԱԴ-ԳՀԱՊՁԲ-20-9/8» ծածկագրով գնանշման հարցման գնահատող հանձնաժողովին:

1. Ընդունելու որոշում՝ «ՀՀ ՊՆ ՆՏԱԴ-ԳՀԱՊՁԲ-20-9/8» ծածկագրով գնանշման հարցման ընթացակարգը չկայացած հայտարարելու մասին՝ Հրավերի թիվ 10-րդ, 11-րդ, 12-րդ, 13-րդ և 15-րդ չափարաժիհների մասերով:
2. Նշված չափարաժիհներով նախատեսված ախտահանիչ միջոցների ձեռք բերման նպատակով ՀՀ ՊՆ-ի կողմից նոր ընթացակարգ նախաձեռնելու և գնանշման նոր հարցում հայտարարելու դեպքում՝ ՀՀ ՊՆ-ի տվյալ հրավերի գնանշման հանձնաժողովին արգելել ընդունելու հրավերը հաստատող որոշում, եթե հրավերի «ՏԵՆՆԻԿԱԿԱՆ ԲՆՈՒԹԱԳԻՐ» Հավելված թիվ 1-ի « տեխնիկական հատկանիշներ»-ը սյունակներում ներառվելիք պահանջները կազմված կլինեն ՀՀ «Գնումների մասին» Օրենքի 6-րդ հոդվածի 4-րդ մասի 2-րդ կետով և 13-րդ հոդվածի 2-րդ մասի 1-ին, 2-րդ և 4-րդ կետերով, ինչպես նաև 3-րդ մասով սահմանված պահանջների խախտումներով:

5) բողոքի փաստացի և իրավական հիմքերը, ապացույցները՝

ՀՀ ՊՆ-ի կողմից «Ախտահանիչ նյութերի» ձեռքբերման նպատակով «ՀՀ ՊՆ ՆՏԱԴ-ԳՀԱՊՁԲ-20-9/8» ծածկագրով գնանշման հարցման գնահատող հանձնաժողովի կողմից 2019 թ. հոկտեմբերի 23-ի թիվ 1 որոշմամբ հաստատված Հրավերի թիվ 10-րդ, 11-րդ, 12-րդ, 13-րդ և 15-րդ չափարաժիհների «ՏԵՆՆԻԿԱԿԱՆ ԲՆՈՒԹԱԳԻՐ» Հավելված թիվ 1-ի «Տեխնիկական հատկանիշներ»-ը սյունակներում պահանջվող ախտահանիչ միջոցների համար առկա են այնպիսի պահանջներ, որոնք սահմանափակում են մրցակցությունը, հանգեցնում են գնումների գործընթացում մրցակցության համար չհիմնավորված խոչընդոտների առաջացմանը, անհիմն կերպով բարդացնում են այն ընկերությունների հնարավոր մասնակցությունը, այդ թվում՝ նաև «Խաչպար» ՍՊԸ-ի, որոնք կարող են այդ չափարաժիհների մասով առաջարկել ՀՀ ԱՆ 10.09.2015թ. թիվ 48-Ն հրամանով նախատեսված հայերեն մեթոդական հրահանգներ ունեցող այլ արտադրողների ախտահանիչ միջոցներ: Վերոնշյալ պահանջները խախտում են ՀՀ «Գնումների մասին» Օրենքի 6-րդ հոդվածի 4-րդ մասի 2-րդ կետով և 13-րդ հոդվածի 2-րդ մասի 1-ին, 2-րդ ու 4-րդ կետերով, ինչպես նաև 3-րդ մասով սահմանված պահանջները:

6) Կից ներկայացնում եմ բողոքարկման վճարի անդորրագիրը:

Առդիր՝ 20 թերթ:

«Խաչպար» ՍՊԸ տնօրեն՝

28 հոկտեմբերի 2019թ.



Սմբատ Բալասանյան

E-mail: khachpar.llc@gmail.com

Հեռախոս՝ 091-45-90-45